

03. november

Uunga siunnersuut: Nioqqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xXx 2015-imeersoq.
(Aningaasaqarnermut Aatsitassanullu Naalakkersuisoq)

Nioqqutissanik akitsuutit pillungit naalakkersuisut saqqummiussaas Siumumiit imatut oqaaseqarfiggissavarput

Siumup tungaviusumik anguniagaringilaa innuttaasut akitsuutitigut toqqaannaq innuttaasut anigaasaqarnerannut kalluaasumik akitsuutit aqputigalugit ajornerulersitsinissaq.

Naalakkersuisulli akitsuutitigut isertitassanik siunnersuuteqarnerat allatigut isertitsiniaasinnaanissamut aqputissanik oqallisiginnissinnaanermut periarfissiimmat qujarupparput. Inuussutissat akiinut eqquisumik akitsuusiiniarneq toqqaannaq Siumumi ilalersinnaagilarput taamaattumik ujartueqataasaagut allatigut isertinneqarsinnaasut nassaariniarnerini.

Siunnersuummi qummoroortartut akitsuutitigut qaffaavigineqarnissaat ilalerparput, nalungilarpummi avatangiisinut mingutsisisuusut taamaatumillu taakkuningga akitsuusiinissaq ajoriffissaqartinngilarput.

Taamatullu tupat pujoqarpata pujoqangippataluuniit akitsuuserniarneqarnerat atuinerup millisinniarneqarneranut suliniutit ilaattut isigalugu akersaarparput, neriutigiinnassalluguli tupatornerup annikillisinneqarnerani akitsuusiineq iluaqutaajumaartoq.

Siumumiit isumaqarpugut inuuniarnikkut akissaqarniarneq ullumikkutut inissisimatillugu piffissaanngitsoq pissusissamisooranilu neqinik akitsutitigut qaffaaniarneq. Taamaammatt Siumumiit Neqinik eqqussukkanut akitsuutitigut qaffaaniarneq maannakkut isumaqatiginngilarput.

Akitsuusersuisarnerit soorunami siunertaqartumik pisarnissaat Siumumi pingaatipparput, taamaattumillu immikkoortoq manna oqallisigisarput isumaliutissanik nutaanik pilersitsiviusinnaasoq eqqarsalertitsivoq, soorlu nioqqutissat nunatta avataanit tikisittakkavut sunik nammeneq nioqqutissior-nitsigut annikillisarsinnaavagut. Assersuutigalugu akitsuutitigut aqqissuussineq atorlugu **imeq** nunatsinni annertuumik tunisassiarisinnaasarpup isaatitsissutigisinnaasarpullu sanngiitsumik inissisimavoq, imermik tunisassiarpassuit avataaniit tikerartinneqartut naleqquttumik akitsuusernerisigut nunatsinni nammeneq imermeq tunisassiorneq annertusaqqissinnaavarput. Taamaattumik peiarfissaq manna iluatsillugu Naalakkersuisunut kaammattuutigissuarput nunatsinni nammineerluta tunisassiorneq siuarsarniarlugu annertusarniarlugulu imermik tunisassiat avataaneersut naleqquttumik akitsuuserneqarsinnaanerat misissoqqullugu.

Anigaasat amigaataasut akitsuutitigullu aaneqartussatut missigiunneqartut eqqartortillugit oqallisigineqartunut ilaasariaqarpoq namminersorlutik oqartussani qitiusumik allaffissornermi akisoorujusuar-mik ingerlatsineq ilaatigut suut ingerlanneqartut tamarmik kalaallisut qallunaatullu ingerlanneqarnerannik pissuteqarluinnartoq. Taamaattumik sulisut kalaallisut oqasillit amerliartortillugit pilersaarusiorluakkamik ukiuni aggersuni sipaaruteqarfiusinnaanngornissaa pimoorullugu anguniartari-

aqarparput. Namminersorlutik oqartussat, Kommuunit, pisortallu suliffeqarfiuterpassui allat tamaasa ilanngullugit nunatta inoqaasusianut agguaqatigiisillugu nunarsuarmi akisunerpaamik ingerlatsiuarsinnaanngilagut.

Namminersorlutik oqartussat avataanit siunnersortinik atuinermut aningasartuuterpassuaqarput taakkua misissoqqisdsaarneqarnissaat qanorlu aningaasartuutit agguataarsimani pillugit nalilersueqqissaaqusilluta Siumumiit upernaq saqqummiussereerpugut, naalakkersuisoq matumuuna apeqquteqarfigaarput misissueqqissaarineq sumut killinnersoq?

Naggataatigut Siumumiit erseqqissaatigissuarput, akitsuutitigut aqqissuussinerit suliarineqarnerini akissusaassuseqartumik aammalu inuiaqatigiit ataatsimut soqutigisaat qissimittarlugit suleqataajumaaratta.

Taamatut oqaaseqarluta siunnersuutip Aningaasaqarnermut Akileraartarnermullu Ataatsimiititaliami appassaaneerpeqannginnermini suliarineqarnissaa inassutigaarput.

Jens Immanuelson, Siumut